

寄贈

卷之五

卷之五



從元味尚鳳頁



永平佛法道元禪師紀年錄

永平三十一世

大了愚門

謹校

山西常樂院藏

師諱道元一曰道玄一曰希玄佛法禪師其賜
號首該台教中探建仁明菴宗旨後上太白見
長翁淨公參徹洞宗翻然還鄉然率性優絲善
能容物至於佛祖規繩毫計弛廢未嘗假辭色
於人居常接人多用方言操觚成章俛騰國字
婆伽至尊爲童蒙取蘓漫多之微旨也然而向

上手服玄玄詞意則非世雄言華文所跂及也
就中間彈厭先輩而非臆斷盡自個知見高妙
中來矣當時諸方以禪列派東西僅見師之門
牆高出諸禪玄鑰越緊疇克容覲覲於其間哉
後之佗僧史者錯言於真化宜也恒常告人曰
吾五百年不離此歷劫末上得人自在轉最大
法輪度汝諸人或曰師叅遊之選也蓋言入假
之魁也曾洞正宗八傳後至淳丹霞淳下分爲

兩派一真歇一天童餘波東注俱入斯土天童
六傳至東明日公雲外岫公日公出建仁別源
岫公出南禪東陵前後七世種艸斷根師者長
蘆五葉之孫始開爐鞴於興聖則寰畿龍象麝
至填門末建刹竿於永平則東北頭角蜩集軒
席孤雲并公爲其長子燈燈相繼直至如今雖
光焰不逮古而非燭火之比豈不是稟赫赫正
統與道烈德輝踰於日月使然耶有語錄施于

叢林

土御門天皇正治二年庚申

師世姓源氏維城人天曆皇帝九世苗裔後中書王八世嫡孫亞相通親之子也母有妊首空中有聲曰汝之孕五百年來聖人也天之下無比肩者要興隆正法於吾邦而嶽降焉分娩後日者相曰此兒非凡七處平滿風骨秀爽眼有重瞳必是萬人傑也又老成儒官色目師曰匪齷齪流當成大器是稱神童可也

建仁元年辛酉

二年壬戌

三年癸亥

師四歲讀李巨山百詠

元久元年甲子

二年乙丑

建永元年丙寅

師七歲讀左傳毛詩自後博涉經書過目弗忘
承元元年丁卯

師八歲喪母居喪哀籲毀體設靈座焚香於香
煙起處潛曉世間如幻如夢又以謂何等生涯
免若斯憂患

二年戊辰

師九歲讀世親俱舍論時人僉云敏黠類曼殊
須臾垂睡引針刺股寅夕策勵齡未迨志學慎
密若此松殿禪閣一代英髦王者模楷然憂在
絕嗣幸於師之睿利欲收養焉其意期使芝蘭
玉樹生於庭階大繼洪業以爲朝家之股肱也

師聞之不肯焉曰冠纓非吾所宜出塵離苦林
下棲遲我之願也

三年己巳

四年庚午

順德天皇建曆元年辛未

二年壬申

師十三歲春夕熟思吾齡近飛騰恐門族奪我
太志脫然宵逃投木幡山莊經由登巖嶽就舅
氏良顯求剃度顯責曰嚴父不聽松殿阿如我

猶私徇豈理耶師曰母之志也洎其露膝之際
愍囑閔免可遽忘哉昊天罔極第願萬一報焉
顯知其不可奪焉指至橫川首楞嚴院千光法
師

建保元年癸酉

師十四歲四月九日天台座主公圓僧正爲薙
髮同十日登延曆戒壇受具○師以爲釋迦文
佛託胎出胎子夜踰城拘尸唱滅共用四月八
日吾剝落當在是日故所未諸公圓九日之昨

也然山議不果益山徒實緣不肯祝髮必其憚
於亞相松殿也師復率興議延一日九日昧爽
得度師天資夙慧無幾括教網非只熟於佛隴
宗風於三密於瑜伽皆入其室三學大小靡弗
該練焉○公圓僧正橫川趾奧義里妙法院主
顯密並通忍行持律

二年甲戌

師十五歲聞建仁千光祖師熾振禪風乃云別
有長處急入東山扣濟北玄要始西一見渡器

行勇二字
謬則
行勇以下
諸延室
再閱校
諸

三年乙亥

師十六歲秋七月五日千光示寂時七十五歲
厥後師事其嗣明全行勇禪師謚曰佛樹又受菩薩
戒繪千光佛樹二師肖像珍護焉今藏于永平
書庫佛樹之贊曰平生行道徹通親寂滅以來
面目新且道如何今日事金剛焰後露真身小
子道元拜贊廣錄中載佛樹先師忌辰陞座又
有千光忌辰佛事曰千光禪師前權僧正法印
葉上大和尚位忌辰尾曰師翁千光和尚即今

在甚麼處云云千光爲師之大父灼矣

四年丙子

五年丁丑

師十八歲入宋念萌於是春○自建保二年祖
今茲前後四年盤旋于建仁獻峯閱大藏二過
始于十三歲終于是歲凡六年優游教海蒐搜
義林ラス慮無餘蘊然上衍極致所謂本來本法
性天然自性身師於是未能無疑歷詢諸宗大
德而南北義學緘口尋問三井公胤僧正云本

來自性法身法性三世諸佛爲甚麼却發心求
三菩提道公胤曰此問不得輒答雖宗家詮釋
探賸鉤玄言猶不及乎茲縱饒南嶽天台復出
於是舌頭太短吾聞赤縣神州有單傳正宗直
須入宋城把斷牢關師敬唯去秋八月二十五
日辭山門駐錫於東山親炙明全不斯須離左
右以窮其禪源○師掉臂出山門徑入東山者
益南遊之首途也

六年戊寅

承久元年己卯

二年庚辰

三年辛巳

師二十二歲○一日與明全酬應數番機機符
契通師資禮傳法事畢遂列派黃龍十世云

石徹通介公聰契和尚說話如此舊記謂

慶元年乙酉歲全公罹患危篤謂師曰子在
先和尚處悟法身有迷是也無師云不敢全
曰試舉看師云先和尚曾端居丈室某甲進

問云法身法性爲什麼有迷和尚曰三世諸佛不知有狸奴白牯卻知有某甲忽然省白汗竟踵全公溪肯曰釋迦老子也如是你善保護遂書一篇法語係曆日爲憑

○宋嘉慶乙酉歲師上太白見淨公

而後第三年也全公歸寂延至幾月不出吾貞應二年宋嘉定十六年豈有全公之囑文揭題嘉慶爲照開之事哉後人失記灼矣

後堀川天皇貞應元年壬午

二年癸未宋嘉慶十六年

師二十四歲春二月拉建仁明全附商舶二十又二日解纜同年四月抵岸于明州界直走太自見派無際際器許隨衆列位鱗次新戒師曰釋氏尚臘不尚齒況大僧與沙彌升降非帝一等祖佛鴻規明如日月臚列之何若是濫哉時一衆喧聒視猶蔑如師責之弗已衆曰前朝自子之邦來者如空海最澄列于中華叢林則班次居卑子之祖翁榮西復如彼矣師竊歎七佛

聖制陷於人情悲矣夫於是上表於宋帝數訴
焉第一表略曰佛興西天以毘尼爲洪範法流
東域序僧臘分階差前古攸繇至今何廢伏以
皇朝聖喆宸慈溥通不念靈山囑言願慕漢庭
奉行垂恩實僧次授戒先後無愆頌旨治亂階
法歲短長以別外客幸沐天澤下情不悉野詞
表一上廷議反覆不遂師再上表略曰重白佛
法徧沙界戒光照十方況經曰今此三界皆是
我有其中衆生悉是吾子以皆是我有言者此

娑婆世界釋迦牟尼佛國土也國已佛國人皆
佛子也兄弟天倫不可混淆伏以佛法世法理
之從焉天神地祇不容非理理或不達恐是亂
邦賢者不居亂邦真人避於奸匿佛家臘序旣
不的當王室憲綱安爲明晰幸仰中華之聖德
爰陳倭僧之鄙懷天裁胡有私謹乞正戒次○
時寧宗嘉定十六年上親見表數加勸歎遂詔
天童曰倭國僧言太善宜序僧臘以倫差云天
童不忤旨爾來師聲名振于五嶽自後國朝之

僧南遊入支那叢席而夏次不素者蓋師之功也師時卓錫景德雖連稟無際卽然爲猶未脫洒杖笠倒掛急入徑塢時琰浙翁坐明月堂師纔進前琰問曰幾時到此間師曰四月琰曰隨群恁麼來師曰不隨群恁麼來時作麼生琰曰也是隨群恁麼來師曰既是隨群恁麼來作麼生是琰一掌曰這多口阿師師曰多口阿師卽不無作麼生是琰曰且坐喫茶又造台州小翠巖見車公卽問如何是佛車曰殿裡底師曰既

是殿裡底爲甚遍河沙車曰遍河沙師曰話墮了厥後見萬年元靠惟一西堂宗月月堂無象等各有機緣問答師曰箇箇阿鞞鞞地頭腦相似獨有天童猶較些子然大唐國裡求過量漢一箇也無歷涉歸來猶上天童際已遷化於是鄉國念驟發日待東歸有僧老璉者語師曰子遠駕鯨波特求大法撥艸瞻風參見諸名衲不爲無得矣然至於人天導師一代宗匠則長翁淨公其人欲償初志速入甘露門師听璉言懽

甚矣適寧宗聽淨公英風動寰宇勅遷天童師
再上太白淨公見待之殊渥丹知客怪曰新到
有甚長處爲師所眷顧翁曰前夜夢迎悟本大
師此子恐後身也他日賴吾宗大興矣○比初
將見淨公首座問師曰千見不如一聞相見什
麼師云千聞不如一見座曰此是尋常語言卽
今爲什麼相見師云爲生歿事大座云生歿去
來何人師云不識座云待爲你稟方丈遂入啟
曰日本新到爲法要見和尚後生伶俐爲方便

淨公曰喚來師入拜云某甲日本人事踰萬里
鯨波殊爲此事請和尚方便淨公拈拂子曰日
本有這箇麼師云不會淨公曰閻老子不許你
在由此七十二日看這箇話一旦謂我會也急
趨方丈叫報會也會也西天老比丘祇這箇淨
公曰證據看師喚和尚淨公諾師云某甲從生
至歿只是這箇淨公曰日本建仁不枉差人付
棕拂師云本來無物是甚所用淨公曰是則是
將甚爲驗師竟拜受○師以謂一期痛快祇是

慣得便望向上玄竅較什半月程自此脇不沾
席工夫綿綿已二年

元仁元年甲申

嘉祿元年乙酉

二年丙戌

宋審慶二年

師二十七歲○淨公一日責一禪衲坐膝曰衆
禪須身心脫落只管打睡堪爲什麼師於傍豁
然大悟直上方丈燒香淨公問曰燒香事作麼
生師云身心脫落來淨曰身心脫落脫落身心

師云這箇是暫時伎倆和尚莫妄印某甲淨曰
吾不妄印汝師云如何是不妄印某甲淨曰身

心脫落師禮拜淨曰脫落脫落時平侍者

福州生緣

以手指師云此事非細外國人得恁麼地淨曰

可中幾得當頭契脫落雍容又霹靂○師如此

喪盡生涯瀝盡滲漏卽九月十八日也爾後下

山之江西日已曛黑憩止藪澤有虎突出大哮

鋸牙鉤爪倏忽向師師撥著拄杖拄杖化龍相

關虎果掇尾而去

拄杖有齒痕俗曰虎齒拄杖今藏于永平比曉一

个鬟來曰師盍早歸故國大建化場以闡祖道
若是替遲留連定覺生矣師問汝阿誰曰我乃
韋將軍言訖沒矣

安貞元年丁亥

宋審慶三年

師二十八歲○自江西還天童告別淨公公曰
如子扶桑國裡能有幾箇卽日分座說法師不
在峻拒搥鼓升座淨公預命五十員禪客次第
進問始登座祝聖拈香次拈香云此香天地不
覆藏佛祖無謾量今日無端拈出爇向爐中供

養當山第三十代堂上大和尚用酬法乳之恩
歛衣就座卓拄杖云山僧枉隨和尚命正登此
座若有出格漢對我證據看第一僧出云和尚
掬天童一滴撒扶桑國裡箇一滴未審成何色
師曰雲落落實瑟瑟如此五十員如次隨問隨
答第五十僧問洞上孫枝向後幾處發榮師曰
異苗蕃茂縈紆四洲僧云信受奉行師曰速退
僧便歸衆師乃曰山僧到這裡轉大法輪發大
光明神通妙用東拄西撐拄杖撥開日邊雲人

天衆前報師恩久立珍重下座

具見別錄

次日淨公

付芙蓉楷祖法衣竹篋白拂并審鏡三昧五位要訣大陽卵形圖十八般妙語及自贊頂相曰此等物一一表信東陬萬里人縱福淺而無地猶疑猜得得歸去莫往城邑聚落須居深山幽谷待機根培植花開香飄接一箇半箇堪嗣續之者勿使吾宗而斷絕遂期翌早下山其晚會見弟囑集歡娛無已從思膳寫方夜濡毫三更已過字亦折半一老翁飄然至龐眉奇骨白衣

峨冠謂師曰叟資揮灑師唯唯未遑問姓名東

方未白一帙見跋

俗謂之一夜碧巖今在賀州大興寺

師徐問曰

汝誰曰日域男女元神也歛然不見其所仍知

白山明神○師服侍太自前後四載朝參暮請

無虛日淨公往往提誨無所不至焉齒牙餘論

或及宗門事實一日語師曰浮山圓鑑者大陽

之門人浮山將得大陽舊履零衣等以佩戴供

養焉所請懇至大陽不許又浮山繪大陽頂相

呈大陽陽大笑曰不惟肖矣山曰和尚大慈大

悲願許法遠供養頂相

具在別記

又云世言大陽絕

嗣太惑矣五燈浮山章言大陽明安無嗣者所以付直裰皮履者作者謬妄也大陽之法嗣七人興陽剖羅浮如雲頂鵬乾明聰白馬春福嚴承投子青這般一輩人若其非法器則大陽因甚付洞上正宗豈如興陽先大陽一一下世哉而猶言由無嗣者託法遠以待來者可哂矣夫保住如來正法眼藏者自非道括囊十虛德權衡萬世福慧慈仁廣大悉備不與大千共壞者

安能臻乎茲就中貽厥之有餘裕者其唯義青乎然年最少速嗣恐有難是以預付法遠以記義青取證於他家其指淡矣畢是大陽智通明白之所致也後之撰燈傳者剽掠典故誣謾先德可悲云爾

永平錄中有大陽投子問答其證也

○師問淨公曰

今日視諸名利住持多著斑斕衣和尚獨著純色未知孰是淨曰法服挺且華是僧之衰也諸方拍盲禪總沒鼻孔只管街賣殊勝漁獵名利者爲也吾不爲焉你歸鄉普化人天著斑斕也

不惡矣○又示云子歸鄉國後莫近國王大臣
不居城邑聚落須往深山窮谷不要雲集閑人
多虛不如少實當覓取真箇道人以為朋若接
得一箇半箇幸有嗣續佛祖慧命起古佛家風
也餘如正法眼藏隨聞記等載焉○冬初歸橐
蕭然步下得便船一葉漸漸泛大洋海天凝閉
白雪如織有化人立船舷曰弟子龍天也在支
那曰大權修理菩薩已知師向後轉無上輪矣
而今相隨入扶桑護師法幢師曰俞鰲吾蓋孟

卒為一白蛇長三寸許蜿蜒入鉢囊時颶風捲
海飛湧涵天舟子奔忙同人失色師誦普門品
不輟寢久之有圓光碧螺踞輕舟而來迺是南
方補陀尊為師現焉舟蓮葉也師拜圖形像傳
摹至于今謂之
一葉無何風靜浪恬自是一帆千里達肥之後
觀音州舍求麻庄河龐大渡實今茲丁亥之臘也

二年戊子

師二十九歲春入都寓東山建仁憶何處水邊
林下使吾之安頓焉五年強不出世不逢人○

遠有多羅衰於日下之識近有大陽待價燭之
記在今有天童苦口藥石之語師之不苟且輕
脫可知

寬喜元年己丑

二年庚寅

三年辛卯

貞永元年壬辰

四條天皇天福元年癸巳

師三十四歲○是春囊錫始露聲振都下弘誓

院正覺禪尼歸敬懇切以為興建禪宇一所請

師出世發揮祖道即日卜地於宇治縣一曰淡

寺遺址極樂寺替工伐材不日殿宇告成佛殿舊在

故昭宣公所為弘誓院營法堂正覺禪尼進法座二人舍皇邀師居焉京城簪

纓接踵賀師入院道望日播海內嚮風入院首

寺名觀音導利院興聖密林禪寺然興聖密林

宸額也○正法眼藏所謂是夏安居於觀音導

利院○寺院並稱何也以表地於極樂寺舊址

乃副院于寺也殿堂完備後革舊寺為新寺院

存故寺存新故懷辨和尚跋正法眼藏亦並稱
焉又師之僧堂疏言震旦佛寺乃天竺僧院則
必不復拘新故寺之院院之寺也其有致矣

文曆元年甲午

師三十五歲○懷辨禮師改衣

或曰辨見
師于建仁

嘉禎元年乙未

師三十六歲○師想雖審林之締構畢備然猶
闕僧堂自爲化疏以告四方由是遐邇戮力道
俗子來金穀布帛委積如山無日慶僧堂○疏

宇治縣觀音導利院僧堂化疏入宋沙門道元
誓首和南敬白十方一切諸佛菩薩賢聖衆天
上人間龍宮八部閻浮提善男善女等冀積一
錢淨施建七間雲堂右以菩薩戒經曰若佛子
常應教化一切衆生建立僧坊山林園田立作
佛塔冬夏安居坐禪處所一切行道處皆應立
之云云若不爾者犯輕苦罪然十方寺院乃諸
佛之道場也震旦佛寺象天竺僧院日本精舍
亦從倣之今得化緣時讚歎施捨福自國傳于

國謨人弘於人予入宋歸朝後發興造願日久
月浚然豈衣盂之可支哉茲有信心檀越得勝
地一所於極樂寺故址艸創漸就名觀音導利
院一境雍州四至平坦向後必爲一巨刹凡寺
院者佛殿法堂僧堂其最也佛殿法堂已構焉
僧堂猶闕如夫僧堂之爲規縱橫七間堂內無
閣上間下間設長連牀衆僧環坐坐禪坐叅晝
夜行道暫時不怠中正安聖像大衆圍繞三寔
入一堂一堂出三寔如此勝軌其來已久功德

惟夥佛事益寬爰一人大檀其施可企然而爲
替結於良緣盡化十方以卿一切竺土漢土之
真典正法像法之僧儀書信檀名銜藏聖像腹
心植萬字智種輝自他本光此中有先得道者
卽是一衆導師非善知識之因緣耶不惟勸人
中亦可化天上龍宮亦可達仙界冥府此是婆
伽梵皇遺勅祇承以告法界衆生謹疏嘉積元
年十二月日住觀音導利院沙門道元○懷殊
入室領祖印居板首

二年丙申

師三十七歲○興聖審林殿堂門廡厨庫三門浴室東司無不僛功方冬十月十五日開堂祝聖○臘月二十九日小參時令都寺維那侍者請首座懷辨來冬秉拂懷辨除夜秉拂時三十九歲

三年丁酉

師三十八歲○法語茶話見于隨問記

曆仁元年戊戌

延應元年己亥

仁治元年庚子

二年辛丑

三年壬寅

師四十三歲○贊予一葉觀音○四月十二日近衛相公遣使請師備師禮聞禪門法要次殿下問曰我朝前代禪宗未審幾時而來耶師曰禪宗先是靡聞焉若夫言佛法東漸者如彼震旦後漢明帝永平年中佛法至自西天四百餘

歲後當梁武普通八年達磨大師流通直指單傳道六代後曹溪下青原南嶽分爲五家又我朝也欽明天皇時始聞三密名字相尋百濟高麗所傳聖教聖像及法師滿郡國布海宇祇是義學沙門陷墜名相窟裡或有奇驗術行僧爲國家之祈福耳至今罕聞有以心傳心宗匠焉逆數往紀亦旣四百餘年○師以爲祖道之寄非吾而誰然向大方不敢暴言焉敦之至也視之貢舉自大者相距之天淵○五月一日接許

義尹通心印○由良覺心廁法席入師之爐鞴其器稍加淬又受菩薩戒○八月五日天童淨和尚語錄到翌日上堂乃起立捧語薰香云云下座與大衆三拜○十二月十二日於檀越雲州刺史私第說法○又十七日就雍州六波羅寺畔前雲州刺史之別館坐語後嵯峨天皇寬元元年癸卯

師四十四歲○師視興聖之席自天福癸巳迄今茲之秋前後十一年矣出其門者懷辨僧海

詮慧義介寂圓義尹義演佛僧道存義集懷顓
慧達等懷辨就中室中領袖得法最在先答者
教庠義虎南都北嶺無當其鋒者見師之後銳
機頓挫齡長於師常侍巾匣未嘗一日不在師
前後後來住山行道謙卑之風凜凜至如今逼
山嶽且觀示寂日有身後亦爲侍者之顧命吾
黨就令銘鏤肌骨誰得彷彿其萬一哉其餘數
衲子皆法窟爪牙至熟嗣香則徹通爲孤雲拈
出義尹酬介公法乳各有所推挽焉寂圓衆中

豪詮慧僧海鐵中錚錚者詮慧總集語錄則師
溘然後猶亦矍鑠未聞道蹟何如初住洛之永
興寺抑慧之開剏地歟海也師在日掌興聖之
叢務曾首衆不幸早亡師上堂有夜來僧海枯
之語海去後義集繼領院事集亦無消息○師
太坐窰林一十載餘摺紳貴介車馬駢闐如賈
人歸市卿士之延請聽法者一百家受菩薩戒
弟子二千餘人日陪法筵或緇或白不知其幾
萬人於是師念說法度人坐手市廛恰好時正

是恰好吾太白有垂誠豈不兢兢於懷哉所希
長揖王公拂衣遠引入青山白石間法喜也不
以不知何地之好何山之宜吾其行矣時其州
其郡其縣之太守刺史督郵明府者歷吾州吾
郡縣之佳趣勝幽地而應師之募者率十有二
所然遠二百里三百里近猶在步武間未出帝
畿茲越之前州波多野前出雲使君藤原義重
一曰波多野大夫義永有二子長曰永平次曰
義重以永平有河魚之憂而沈綿不任公事讓
家嗣於弟故家君分自字以上字名弟以下字
名兄請師建寺者寔永平也後之改大佛寺名

永平寺意在茲然往往言市重為功德主者益
由本朝士人世系關永平永平惟叔建之功德
讓之也乎白師曰越之吉田郡山水奇絕所到閑
房古寺存焉碩人考槃莫之踰焉望師就吾分
土方便說法幸國家賴之師曰何言之晚吾淨
公之鄉貫於越也吾于越聞名尚懷矣譬諸見
堯於羹
牆大邁矣奚啻圖
畫愛洞庭也巴哉即日餅錫隨身決然出都時
七月十六日也月之下旬氏郡之志比庄道俗
歡迎樵蕪啟行閏七月一日將一眾登越宇吉
峰頭說法要縑白足慶焉議曰使君之構大殿

廣堂非如今事師不樂於此遽然他適吾輩當
如之何不如早計安便所即就山阿締一菴數
椽把茆做得太好師大懽焉居數月日事慈誨
十二月十七日大集徒衆垂示雲州使君與
南東名郡左金吾禪門覺念今北村之祖真柄也相謀卜形
勝地果表一野東傘松峰西使君手親夷山拽
石荒度土功

二年甲辰

師四十五歲○春正月寓平泉寺趾禪師峰又

自管歲十一月至今茲中春徠往禪師峰吉峰

○二月四日在越宇山菴示衆翌日詣天神宮

廟

本錄作天神謹辰次其韻

管者齊衡二年管君年十一月

夜見梅花始言詩曰月耀如晴雪梅花似照星

可憐金鏡轉庭上玉房馨師賡韻曰春松何怕

月如雪老樹梅花飛似星天上人間及三世眼

睛鼻孔共幽馨○二月下旬法堂基成四面無

凹凸材美工巧梓之圖之擇二十九日試工洵

四月二十一日申時上棟試工上棟安部晴宗

系流所聚也

視日落法堂而後佛殿雲堂庫院長廊次第成
○七月十八日開堂師曰自今山名吉祥寺號
大佛時山神現形天龍興雲其雲如蓋連亘山
巔師曰此覆護佛法之靈兆矣闔堂黑白飲氣
歎伏雲州使君拍掌特怡悅焉凡陪法席名族
大和掾清原真人源藏人野尻入道實阿左近
將監等師謂使君曰者一座山主山高案山低
東嶽盤連白山神廟西溪冥委渤海龍宮峰巒
重疊人烟阻隔所謂以靈勝待我也予在宋日

天童說坐禪法要括為三十條其一曰莫觀大
海可睹青山溪水此地形勢暗應這話林泉風
月足以資禪心野田數頃足以贍庫厨關之左
右南北千里莫復踰此境焉又所以吉祥名山
則佛成道時以吉祥州敷坐此其例也與使君
款話如此又徐誦華嚴天讚華嚴夜摩天官品
音樂寂然無聲即自憶念過去佛所種善根
以偈頌曰名稱如來聞十方諸吉祥中最無上
來入摩尼莊嚴殿是故此處最吉祥
世間燈諸吉祥中最無上來入甘露上味殿是
故此處最吉祥喜王如來慧無量諸吉祥中最
無上來入雜審莊嚴殿是故此處最吉祥慧眼

如來世間燈。諸吉祥中最無上。來入殊特最勝殿。是故此處最吉祥。饒益如來義無量。諸吉祥中最無上。來入清淨審山殿。是故此處最吉祥。無師如來世間尊。諸吉祥中最無上。來入微妙審香殿。是故此處最吉祥。天人中尊世間燈。諸吉祥中最無上。來入輕微妙香殿。是故此處最吉祥。無去如來論師子。諸吉祥中最無上。來入明淨普眼殿。是故此處最吉祥。分別如來功德持。諸吉祥中最無上。來入娛樂莊嚴殿。是故此處最吉祥。普照殿。師唱此偈。意佛不離道樹。至來入等色普照殿。是故此處最吉祥。夜摩天廣大不思議。故天王偈讚焉。吾山與道樹不離此處。古佛與今佛無有兩箇。於今現神祥雲之瑞宛。如合符契。斯固所以山之名吉祥。

也。又瑞州志曰：吉祥山在新昌縣北五十里。一名瑞雪山。唐悟本大師居此。中有泉曰聰明。下有吉祥院。師或本此。○又告衆曰：向後食可知足衣。須就約今之古之道者。心隨從上以來。衲僧眼睛。又曰：今視諸方道心僧。寡名利。僧多廢置佛法。傾心公門。幸得恩波寵光。尺寸之及身矣。這般獸漢。辨誰佛祖。誰外道太遠生。○九月一日。法堂彩畫罷。卽日上堂。集法筵。男女一千餘人。○七日。宇治興聖義集移來木犀。植于孤。

雲閣前○霜月三日僧堂上棟匠氏擊和幣其色五色誘俗降神用和幣匠氏依焉和幣訓云尼柁底祝禱左金吾禪門覺念坐厨庫南欄藉鹿皮子息左兵衛尉藤原時澄立厨庫西欄偕監視焉時使君厚勞匠人賞資有差都料匠馬二匹其次馬各一匹冶工株氏塲工馬各一匹此允釐百工之義也士人里昏溪翁山妻之來瞻者數千各賜白餅一顆一歲中法堂僧堂俱落

三年乙巳

師四十六歲○懷辨集錄師平生法語計五十卷師題之正法眼藏披示徒衆○四月結夏是日自上堂初至下座後天華亂墜彌布法座及班位散漫茶盞湯盞裡

四年丙午

師四十七歲○六月十五日上堂是日葺大佛寺爲永平寺○知事清規成○八月六日示庫院齋僧法大抵與典座教訓知事清規同致其詞曰齋僧法以敬爲宗遠傳西天竺法近傳震

且國法如來在世及滅後或諸天妙供奉獻佛
僧或國王珍饌供養佛僧乃至長者居士奉獻
毘奢首陀薄也非真如是供養俱敬重慇懃於天上
人間中用最上禮陳尊重言營辦造作種種淨
妙饌具以伸供養吾今縱令處深山裡而香積
局於禮儀於言語安不循其典則哉可謂習學
天上人間之佛法矣粥可稱御粥又可稱朝粥
齋可稱御齋又可稱齋時不可單言齋春米可
稱米白焉奉人不可言米白焉洗米可稱淨水

奉人不可言浙米調菜汁可稱為御汁物奉人
不可言煮汁調羹可稱為御羹奉人不可言為
羹汁熟可稱汁所煮不可言汁煮矣粥熟可稱
御粥為熟之不可言粥熟矣奉內齋粥之調度
皆如此可敬為不敬為者必招殃禍無得功德
調齋粥奉人時不可使人息及米菜何物不可
氣吹假使乾燥底物莫觸綴袖莫觸頭面不洗
手莫觸齋粥及器物自擇米奉入至為飯羹奉
入於其經營際若抓身痒處必可洗手調齋粥

奉入之處可以諷誦佛經及唱祖師語不可於
世間雜話穢語凡米菜鹽醬等諸物有餘贏可
稱米菜鹽醬居在不可言有米菜有鹽醬衆僧
行者過齋粥所在可問訊奉之有零米零菜待
齋粥罷後可辨用之齋粥未畢不可先侵焉奉
爲齋粥之調度可懇護惜之不可用于他事矣
在家人入來視其手不雪莫使手觸物自在家
施來底御菜菓子等未遑洗則爲之洒水行香
行火後可奉三案宋國諸寺舊規凡自檀越在

家所施人饅頭乳餅羹餅等奉旋蒸以供衆僧
蒸之不暇給不奉衆也至今江西兩浙規繩幾
乎圯矣如此加尊重者也太鮮矣庫院香積獲
此大旨宜奉行事事莫涉非義示永平庫司大
段如此件件佛祖命脉衲僧眼睛外道不知天
魔不堪唯有佛子善能傳之恐後無憑記略爲
照開闢沙門道元花押○此詞靈梅院功德主
勝義寫之勝義永平三世和尚之檀越其第二
子四世和尚之檀越兄

後淩州天皇壽治元年丁未

師四十八歲○正月十五日布薩師說戒時五色彩雲點綴方丈當陽紙障延時一辰半一座緇素盡拜瞻焉吉田河南庄民族二十餘人復預于此各白曰奇哉奇哉神妙不測地隔時移人皆生癡疑爲於未來末世不見不聞者寫盟文以爲異日證其文曰志比庄方丈景瑞日記
壽治元年歲次丁未正月十五日布薩說戒今日自未之初辰迄申之半辰脩五色光雲搖曳

而粘當面紙障聽徒貴賤共拜之就中吉田河南庄某族二十餘人同日拜謁面瞻此祥瑞吾等際遇不可思議因緣感激鏤骨此非文_力言_力構_力虛將無箇奇特爲有箇奇特苟自爲虛語誓負其罪永墮三途爲使自今以後傳聞者展轉隨喜記置盟文如件_{此帖今在永平開山壽國}辨師親筆註曰
當山開闢堂頭大和尚就方丈布薩說戒時五色瑞雲垂布當面紙障雖此障子歷年損壞猶收敗餘骨格斷紙永副當山之什物以祕珍焉

年月日時仍具別幅今處置方丈藻井上切爲

後證文永四年九月二十二日小師懷辨花押

此帖在永平書庫

○八月三日赴鎌倉由平元帥時賴

欲篤請以沾其禪悅不可止也時賴就師受菩

薩戒東壤士民受戒者不知幾何時賴曰吾且

爲師興建大刹請之居開山師肯歟調師數回

師曰越北山房素在焉有少小檀那足贍我齋

孟我屬者他遊牢持戀戀不如早歸踰年發鎌

倉還越時賴愧不堪勾師其願不果猶叙一字

建長寺是

請蜀僧隆蘭溪雖然慕師猶弗已遂欲滿

其素懷拔越之六條保充山厨師不受時永平

玄明首座會寓鎌倉時賴便明之歸山囑寄附

帖明齋帖出鎌倉竟路太驢益樂常住豐饒也

抵山慶耀衆中師聽之曰嗟乎陋矣這漢一片

利心落入識田中如油入麪永劫不可擯亦恐

貽辱於大法急擯越出山加之捲去僧堂其單

斷取其榻掘地七尺埋榻去師之緊峻如此師

滅後百三十年有一禪客過豆州箱根山於曾

曲阻隘處逢黃眉雪髮老僧鬚枯如敗葦支筇
俯僂立禪客異問曰子爲誰因甚在此老僧曰
我永平寺首座玄明者ト云昔日於彼負這一蹉果
陷於茲巘棲澗飲幸閱歲月然花開之爲春葉
落之爲秋耳捫心而一點寒灰ト云站脚而三冬枯
木不復知今日何日也猶且縷縷師之平日行
業而別禪客以所聞語于吉祥山○冬十月書
答道隆寬元四年三月道隆達博多時覺妙房
呈師之語錄於隆隆一覽欽慕之久矣其秋師

之弟子詮慧慧達行脚往博多當二人歸山時
隆寄書以奉師曰道隆和南悚息上啟大佛堂
上禪師揆席金風普扇玉宇高寒恭惟坐鎮名
刹警悟人天道體起居清勝道隆宋國晚生謬
無知者藏拙衆底動止上策伏以累年與佛門
弟兄太白同處了無固必作一家事一日齋餘
覺妙房出示和尚法語并偈頌等捧讀過三恍
如面晤雖路隔滄溟大光明藏中了無間隔春
暮附舟抵博多聞近年遷於溪山窮谷以此道

示後昆不欲與朱門豪戶爲友可見存上古
風規使人攀企不已設有管中窺豹論短言長
者何足與較久久日消伏望不倦樵拂庶瞿曇
之風不墜曹洞之派永流幸幸近聞京中文武
擾攘想到冬盡同諸兄樞衣往丈室拜謁未間
切爲大法崇重不宣宋朝西蜀人事寓太宰府
博多道隆和南上啟○師時在鎌倉詮達二子
期年達隆書今茲隆發博多入洛寓泉涌寺師
答書曰道元咨目悚息上復蘭溪堂上和尚凡

前卽辰孟冬輕寒伏惟尊候神相萬福道元二
十年前曾到大宋掛錫太白山一瞬之間未歷叢
林旋來本國益爲業風之所吹也行解俱闕守
愚過日近年菴于深山閉戶欲終殘喘去冬詮
慧慧達兩禪客雲游次敬領和尚書薰香拜閱
欣感皇恐宛是寒谷溫至也雅欲詣寺拜謝于
今未遂鄙願矣不期今年八月被檀越勾引忽
到相州鎌倉縣東西山川二千餘里鷲風之至
一日三秋承聞和尚既到王城時之運也人之

幸也迢迢萬里航海而來一如普通遠年之儀
祇園之風云扇曹溪之流能傳幸恕艸州伏冀
慈昭道元悚息咨目上復蘭溪堂上禪師

憲治二年戊申

師四十九歲○三月十三日自錫倉還山翌日
上堂○自四月至十一月異香滿僧堂前後○
郡有一悍婦雖非妬洛神固得郗氏報歟爲巨
蛇欲贖其罪愆至師所偃蹇俯仰若有訴焉師
就授菩薩戒忽然形變男子立地上天

建長元年巳酉

師五十歲○正月一日建羅漢會是日應真放
光降于左偏長松今日羅漢松山中銅像塑像并畫
像之羅漢同時放光受供養師曰夫天台山棲
於五百應真閣浮提化主賓頭盧尊者徒屬何
處不在然亦隨緣赴感爾扶桑國裡名山靈區
多則多矣證真開士特垂跡於吾山吾據此出
緣會感通非適于今也羅漢供肇自時○同月
十一日撰衆寮清規告衆云今後消月朔十一

日二十一日寺僧輪次預設湯菓兩班諸位勤
舊知事新到沙彌就衆寮湯菓畢首座講之大
衆聽之爲之常課永可不棄置焉○太上天皇
寬元賜紫衣佛法之徽號師峻辭不允獻偈謝
白上帝朝恩有卻被猿鶴笑之句○師聞者謂吾五百
年間不離此山○九月十日告衆曰從今日盡
未來際老漢恒在山縱蒙國王宣命誓不出當
山其意何者唯長時無間欲精進行道福慧莊
嚴願將此波心奉塵刹度盡一切衆生乃至

飛蠢動登佛祖覺場永平末後廣大現成坐菩
提樹下降伏天魔成最正覺又演偈曰古佛修
行多在山春秋冬夏亦居山永平欲慕古蹤跡
十二時中常在山因茲世有元古佛之稱又有
山居數偈十二時頌見廣語

二年庚戌

師五十一歲○功德主雲州刺史將繕寫大藏
實于山門具書至此日上堂刺史原上書又上

堂
語見廣錄

三年辛亥

師五十二歲○山之幽聖鐘常響

自先雖山鐘每鳴其聲不

入凡聽師聞之久矣海檀越問師人稍知有之

檀越具帖問焉師答書

畧曰山陬鐘响一件老僧七八年來往往聽焉

不欲敢語知于他今以見尋及故不可匿嘗試

以近聽而言今茲正月五日希玄與花山院宰

相入道茶話于靈山院室夜將央鐘聲殷殷計

二百許惟恰彷彿本京東山清水寺鐘法勝寺

鐘側耳猶誤聽久之知此山之深處叩擊焉老

僧感服甚矣宰相隨聽隨喜宰相傳母子中將

兼賴朝臣右近藏人人道經資法師侍宰相左

右僉云某等不聽從者十三人亦弗耳

四年壬子

師五十三歲○夏講遺教經緇白雜襲○師預

知前途促逼而講是經益擬如來最後垂範也

正法眼藏大人覺卷萌于茲其卷垂語有八題

目一曰少欲二曰知足三曰寂靜四曰精進五

曰不妄念六曰禪定七曰智慧八曰不戲論汝

等諸人不了大人覺旨非佛子。○師自此時起居微艱自一靠杖屏巖後十餘寒暑霜雪侵肌瘡毒結內北首之漸可想觀焉爾後病惱綢繆動輒寢臥數日而猶支枕告徒曰吾行不遠今所述定爲最後教誨自是歲冬至來茲正月親書此卷又曰余多年所訓示懷辨等採摭私染紙筆累軸至數十卷終有正法眼藏之目幸而殘齡有延猶改國字假借足之一百卷以爲吾遺範矣惜疾風日薄不逮相尋濡毫矣。○逾年

師遂不起如今親筆果爲最後教誡爲師之後昆者每覽此卷無主無賓可欽重而感泣矣。右節建長七年紫公使義倫記之如此

五年癸丑

師五十四歲○七月十四日俾懷辨和尚繼法席辨師卽日入院開堂○師病革矣功德主雲州請間促上京曰視病於高手其必有驗吾等不忍坐見大暮也師知刺史軫念辟易而不堪峻拒八月初具轎出山懷辨從往師有歌頌別記

載道由丹波路經五日人都滿朝之指紳根系

撒瑟邀之寓優婆塞弟子覺念之都亭即西院時

水上皇詔醫官診候焉凋瘵之餘百藥弗効然

耆宇如喜晤言不爽四方散處諸徒一時奔湊

師告曰吾命在呼吸當聞最後語要赴機說法

勸勵痛切簪纓與白衣徬徨絡繹只怕一朝成

千古○十五日夜對月詠倭歌見別記一曰去歲中秋歌○

師一夜宅中經行低聲朗誦曰若於園中若於

林中若於樹下若於僧房若白衣舍若在殿堂

若山谷曠野是中皆應起塔供養所以者何當

知是處卽是道場諸佛於此得阿耨多羅三藐

三菩提諸佛於此轉於法輪諸佛於此而般涅

槃誦畢授筆書面前屋柱又題妙法蓮華經菴

六字○二十八日凌晨沐浴平旦更衣登座端

坐諸徒掩淚乞曰圓寂時至冀爲寫遺偈便書

日五十四年照第一天打箇蹣跳觸破大千嘆

渾身無處覓活陷黃泉擲筆奄然化○懷井沈

憂海懊惱悲咽氣息絕可半日諸徒無不流涕

慟哭者刺史

師入京後三日刺史來候

歎曰於乎五十四年

如一場夢何若是逝之速耶法船沒法幢摧吾等見棄今後憑誰當構任他顏梁陰從其缺天道無知奈吾師何洛下遠近聞訃者擗踊無常聲遂殮龕於興聖三日具位神相儼然茶毘得設利居多九月六日懷昇并諸徒分設利畱一分塔於興聖其一分懷昇等奉持回越十日脯抵志比昇入骨身於方丈香燭珍饌以伸供養如遷寂日竟塔于寺西偏塔曰承陽又優婆塞

覺念就本州南東郡月尾山下剎塔院取題刻

法蓮華經菴屋柱於京館是爲心柱

今別院是厥後

日日禮奠嚴如忌辰

師一生實軌行業記所載其梗概也然有與今

稍異者紀年則綴輯畧靡遺焉至於有諸有語

句著述繫年者采擷贅于茲又和歌若干首題

名具左

詠法華經五首詠初雪一首憲治丁未之歲在

鎌倉平元帥需道詠詠教外別傳一首詠盡十

方界真實體一首詠見桃花悟道一首詠十二
時中不空過一首詠父母所生一首詠本來面
目一首詠應無所住而生其心一首詠不立文
字一首詠四威儀一首詠卽心成佛一首詠正
法眼藏一首詠涅槃妙心一首卅菴偶詠三十
首共在別記○師精篆隸南紀由良西方篆額其遺
墨卅隸之傳于今家訪戶咨其端勁率意可觀
焉釵頭鼎足之不多貽于世惜夫

永平佛法道元禪師紀年錄終

開山藝祖之年譜墜於鼠囓蠹蝕久矣謚謚不
只年譜也已言此其手澤者言此其遺文者以
束之高閣腐乎嵐烟以爲欽師道耶至於風雨
之爛竈煤之熏付水火委土灰而不顧者亦其
幾文字耶僅僅斷編遺稿此爲折簡此爲截紙
家藏戶蓄斯猶以不付祖龍一焰爲愈矣其全
言可覽者惟本錄正法眼藏清規等數書爾吾

一升曰瓢
寡人

門假如有嗜古君子，檢陳箱，披敗帙，百計搜索，遂罔獲焉。況於年譜乎？余嘗歲欽承鈞旨，充祥山之焚掃，一日鼓篋吹塵，際得一故冊，退而閱焉。乃藝祖之年譜也。其字態，披襲糊塗，臆訥，碎無一句，可成章。於是咯然懷觚哉之歎，借令其語不刺，借令其字鴉墨，暗中摸索，知其妙則竟且無泣璞之悲。從此校正紀年，紊亂糾合，記

實乖戾，參以口耳所傳鉛槧所識，凡輯收一言一事，係其真履實踐者，不欲去細故矣。雖然，言人口有春秋者，益師之謂也。爾則布天下口而可也，詎得盡天下口畢上紙墨耶？脫或得吾宗傳古人括囊微言，勝行裨補於此，復豈厭其多哉？近代有打禹碑，不遺一字者，於師有禹碑可探耶？其無耶？

永平紀年錄

昔

延壽戊午孟春既望

勅賜永平三十一世因光禪師大了愚門謹跋

明治三年庚午十月十日就于慶元寺講之

叡藏常樂沙門見海記

9/6

淨妙居士

玄殊

南山大學圖書館



1092192

